

Nelayan Kelantan tidak terlibat tonto

Mm 19/6/2022

Ms: 10

BACHOK: Tiada aktiviti tonto dikesan di perairan negeri ini bagi memasarkan hasil tangkapan ikan ke negara jiran dan mengintip pergerakan pihak penguat kuasa.

Bercakap kepada *Mingguan Malaysia*, Pengurus Persatuan Nelayan Kawasan (PKN) Bachok, Saripudin Ishak berkata, kebanyakannya pengusaha bot laut dalam pemilik tempatan mendaratkan hasil laut di pangkalan perikanan berdekatan. Menurutnya, setiap jumlah ikan yang didaraskan itu direkodkan oleh pegawai Lembaga Kemajuan Ikan Malaysia (LKIM).

“Setakat pihak kami tidak mempunyai bukti wujudnya tonto di tengah laut.” katanya ketika dihubungi semalam.

“Untuk makluman, bekalan ikan pula masih mencukupi, bagaimanapun situasi itu bergantung kepada musim dan fenomena cuaca di laut,” katanya ketika dihubungi semalam.

Tambahnya, peningkatan harga jualan ikan di pasaran ketika ini sebenarnya dipengaruhi oleh faktor kenaikan harga barang lain.

Sementara itu, Pengarah Agensi Penguasaan Maritim Malaysia (Maritim Malaysia) Kelantan, Kepten Maritim Syed Nur Adli Syed Ab. Rahman berkata, pihaknya memberi fokus utama untuk membanters tonto dan penjualan ikan di tengah laut.

“Perairan Pantai Timur sering terdedah dengan pencerobohan bot nelayan asing Vietnam, pihak kami sentiasa memberikan fokus risikan.”

“Ini termasuk kemungkinan nelayan asing Vietnam yang bekerja dengan bot tempatan yang mungkin menjadi tonto bagi kegiatan perniagaan ikan di tengah laut,” katanya.